

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Broj: 02-02-255 /99

Sarajevo, 3.12.1999.

Z A P I S N I K

**s 11. sjednice Doma naroda Parlamentarne skupštine Bosne i Hercegovine, održane
3.12.1999.**

Sjednica je počela s radom u 12,30.

Sjednicom je predsjedavao Izet Žigić, predsjedatelj Doma naroda Parlamentarne skupštine Bosne i Hercegovine.

Na sjednici doma bilo je 10 izaslanika.

Na sjednici nisu bili: Vinko Zorić, Pajić Đoko i Momir Malić.

Sjednici je bio nazočan i Nudžeim Rečica, zamjenik ministara civilnih poslova i komunikacija.

Nakon što je predsjedatelj konstatirao da ima kvorum predložio je sljedeći

D N E V N I R E D

1. Usvajanje zapisnika 10-te sjednice,
2. Prijedlog zakona o izbjeglicama iz Bosne i Hercegovine i raseljenim osobama u Bosni i Hercegovini
3. Rasprava u pojedinostima o nacrtima
 - a) Izbornog zakona BiH (predlagač izaslanik Drago Ljubičić)
 - b) Izbornog zakona BiH (predlagač Klub zastupnika SDP)
4. Opća rasprava o Prednacrtu poslovnika Doma naroda Parlamentarne skupštine Bosne i Hercegovine,
5. Davanje suglasnosti za ratificiranje sljedećih sporazuma:
 - a) Sporazuma o socijalnom osiguranju između Bosne i Hercegovine i Republike Austrije sa Protokolom o provođenju Sporazuma,
 - b) Sporazuma o zajmu između Socijalnog fonda za razvoj Savjeta Evrope i Bosne i Hercegovine o reguliranju predratnog duga BiH, sa usuglašenom i potpisanom alokacijom obveza prema Socijalnom fondu od Ministarstva financija Federacije BiH, i Odlukom o prihvatanju zaduženja prema Fondu za socijalni razvoj Evrope po kreditima korištenim prije 2.4.1992. donesene od Vlade Republike Srpske,

- c) Sporazuma o slobodnom tranzitu preko teritorija Republike Hrvatske u i iz Luke Ploče i preko teritorija Bosne i Hercegovine u Neumu,
 - d) Ugovora o garanciji (Projekat mreže za prenos električne energije, sistem upravljanja električnom energijom) između BiH i Europske investicijske banke, sa ugovorima o garanciji potpisanim od Ministarstva spoljne trgovine i ekonomskih odnosa, Ministarstva financija Federacije BiH i Ministarstva financija Republike Srpske,
 - e) Sporazuma o zajmu (Projekat hitnog unapređenja elektroenergetskog sustava) između Japanskog fonda za prekomorsku ekonomsku suradnju (OECD) i Bosne i Hercegovine,
 - f) Ugovora o zajmu između Europske zajednice i Bosne i Hercegovine
6. Izaslanička pitanja.

Predloženi dnevni red usvojen je jednoglasno.

AD – 1 Usvajanje zapisnika 10-te sjednice

Zapisnik 10. sjednice usvojen je jednoglasno.

AD – 2 Prijedlog zakona o izbjeglicama iz Bosne i Hercegovine i raseljenim osobama u Bosni i Hercegovini

U raspravi o ovoj točki dnevnog reda sudjelovali su: Ivo Živković, Nudžeim Rečica, Momir Tošić.

Vijeće ministara je podnjelo slijedeće amandmane:

Amandman I

U članku 13. dodaje se stavak 2. koji glasi

“ Nadoknadu za imovinu mogu slobodno izraženom voljom tražiti izbjegle i raseljene osobe od mjerodavnih tijela entiteta.”

Amandman II

Iza članka 27. dodaje se novi članak 28. koji glasi:

“Izbjeglicama iz Bosne i Hercegovine i raseljenim osobama u Bosni i Hercegovini koje slobodno izraze želju za materijalnom nadoknadom imovine ne može se uskratiti pravo na korištenje privremenog smještaja dok ne ostvare materijalnu nadoknadu za privatnu imovinu.

Privremeni smještaj ne može ostvariti korištenjem privatne imovine ili stana na koji postoji stanarsko pravo osoba koje su u statusu raseljenih osoba, odnosno izbjeglica iz Bosne i Hercegovine.”

Amandmani Vijeća ministara usvojeni su jednoglasno.

Nakon glasovanja o amandmanima glasovano je o zakonu u cjelini. Zakona o izbjeglicama iz Bosne i Hercegovine i raseljenim osobama u Bosni i Hercegovini usvojen je jednoglasno u istom tekstu kao i u Zastupničkom domu.

AD – 3 Rasprava u pojedinostima o nacrtima

- a) Izbornog zakona BiH (predlagač izaslanik Drago Ljubičić)**
- b) Izbornog zakona BiH (predlagač Klub zastupnika SDP)**

U raspravi u pojedinostima o nacrtima izbornih zakona sudjelovali su: Avdo Čampara, Mugdim Herceg, Vladimir Šoljić, Ismet Šarčević, Momir Tošić, Ivo Živković, Izet Žigić, Ristan Ristić i Drago Ljubičić.

Nakon rasprave usvojen je jednoglasno zaključak da Ustavno-prana komisija, zajedno s Tajništvom, sumira raspravu o oba nacrti zakona. Da tako sumiranu raspravu dostavi predlagačima do 6.12.1999. da se izjasne o primjedbama, prijedlozima i sugestijama, kao i o onim koje prihvataju ili ne prihvataju. Ono što predlagač prihvati sa polaznim tekstom nacrti će ići na raspravu ponovo na Ustavno-pravnu komisiju koja će do 13.12.1999. dati mišljenje o polaznom tekstu oba nacrti zakona. Nakon toga, 16. ili 17. prosinca Dom naroda će razmotriti izvješće Ustavno-prane komisije i o opredijeliti se o jednom ili drugom nacrtu izbornog zakona Bosne i Hercegovine.

AD – 4 Opća rasprava o Prednacrtu poslovnika Doma naroda Parlamentarne skupštine Bosne i Hercegovine

Sobzirom da u raspravi o Prednacrtu poslovnika nitko nije sudjelovao glasovalo se o sljedećem zaključku kojeg je predložio predsjedatelj Izet Žigić: Da izaslanici Doma naroda dostave radnoj grupi primjedbe na Prednacrt poslovnika kako bi radna grupa mogla utvrditi konačni tekst Nacrta poslovnika Doma naroda Parlamentarne skupštine BiH.

Zaključak je usvojen jednoglasno.

AD – 5 Davanje suglasnosti za ratificiranje sljedećih sporazuma:

- a) Sporazuma o socijalnom osiguranju između Bosne i Hercegovine i Republike Austrije sa Protokolom o provođenju Sporazuma,**
- b) Sporazuma o zajmu između Socijalnog fonda za razvoj Savjeta Europe i Bosne i Hercegovine o reguliranju predratnog duga BiH, s usaglašenom i potpisanom alokacijom obveza prema Socijalnom fondu od Ministarstva financija Federacije BiH, i Odlukom o prihvatanju zaduženja prema Fondu za socijalni razvoj Europe po kreditima korištenim prije 2.4.1992. donesene od Vlade Republike Srpske,**
- c) Sporazuma o slobodnom tranzitu preko teritorija Republike Hrvatske u i iz Luke Ploče i preko teritorija Bosne i Hercegovine u Neumu,**

- d) Ugovora o garanciji (Projekat mreže za prenos električne energije, sistem upravljanja električnom energijom) između BiH i Europske investicijske banke, s ugovorima o garanciji potpisanim od Ministarstva spoljne trgovine i ekonomskih odnosa, Ministarstva financija Federacije BiH i Ministarstva financija Republike Srpske,
- e) Sporazuma o zajmu (Projekat hitnog unapređenja elektroenergetskog sustava) između Japanskog fonda za prekomorsku ekonomsku saradnju (OECF) i Bosne i Hercegovine,
- f) Ugovora o zajmu između Europske zajednice i Bosne i Hercegovine

Rasprava o ovoj točki dnevnog reda nije vođena, te se odmah prešlo na glasovanje. Jednoglasno je data suglasnost za ratificiranje svih sporazuma

AD – 6 Izaslanička pitanja

Izaslanička pitanja nisu postavljana.

Sjednica ja završila s radom u 13,30 sati.

Magnetofonski snimak čini sastavni dio Zapisnika.

PREDSJEDATELJ
DOMA NARODA
PARLAMENTARNE SKUPŠTINE BiH
dr. Izet Žigić, v.r.